

Ek Widhwā Aurat

Injeel : Luqaas 18:1-8

Īsā^(a.s) ne logoñ ko ek waaqyā sunaayā, taaki log hameshā ibaadat karen aur kabhī maayus nā hoñ.⁽¹⁾

Īsā^(a.s) ne kahā, “Ek qasbe me ek qaazī thā jo nā hī Allaah taa’alā se ɔartā thā aur nā hī inṣaanoñ se.⁽²⁾ Usī qasbe me ek widhwā aurat rahtī thī jo us qaazī ke paas faisle ke liye jaayā kartī thī. Wo aurat us qaazī se kahtī thī, ‘E qaazī, mere aur mere dushman ke beech sahī se faislā karo!’⁽³⁾

Lekin qaazī us aurat kī madad naheen karnā chaahtā thā. Bahut waqt guzarne ke baad us qaazī ne sochā, ‘Maiñ nā hī Allaah taa’alā se ɔartā huñ aur nā logoñ se,⁽⁴⁾ lekin is aurat ne mujhe bahut pareshaan kar diyā hai. Maiñ isko jaldī se inṣaaf dilaatā huñ warnā ye aise mere jeenā mushkil kar degī!’⁽⁵⁾

Īsā^(a.s) ne un logoñ se puchā, “Tumne sunā ki us Shaitaan qaazī ne kyā kahā?⁽⁶⁾ Kyā Allaah taa’alā apne nek bañdoñ ko inṣaaf naheen detā jo log din-raat ro-ro kar inṣaaf kī pukaar lagaate haiñ? Kyā wo bahut der me unko jawaab detā hai?⁽⁷⁾ Aisā naheen hai, maiñ tumko bataatā huñ, Allaah rabbul kareem apne bañdoñ kī fauran madad kartā hai! Lekin jab maiñ, Allaah taa’alā kā numaiñdā, waapas āuñgā, to kyā mujhe zameen par imaan waale log mileñge?”⁽⁸⁾